



Allaahuma aslih lii diinii allasii huwa hismatu amrii

Jële nañu ci Abuu Hurayrata yal na ko Yàlla dollee gërëm mu wax ne: Yonnente Yàlla bi yal na ko Yàlla dolli xéewal ak mucc daan na wax: "Allaahuma aslih lii diinii allasii huwa hismatu amrii, wa aslih lii dunyaaya allatii fiihaa mahaasii, wa aslih lii aaxiratii allatii fiihaa mahaadii, wajhal alhayaata siyaadatan lii fii kulli xayrk , wajhal almawta raahatan lii min kulli sarrin".

[Wér na] [Muslim soloo na ko]

Yonnente bi yal na ko Yàlla dolli xéewal ak mucc ñaan ñaan goo xam ne dafa boole cosaani tedngay jikkó yi nga xam ne dañu ko a yónni ngir mu mottali ko; te mooy yéwénug diine , ak àdduna, ak allaaxira, mu sàkku ci kàddu yu ténku yii yéwénug mbooleem ñatt yii, mu tàmbalee ci yéwénug diine, te ci la yéwénug nekkiinu ñaari kër yi nekk, mu wah ne: (yaw Yàlla sama Boroom yéwénalal ma sama diine) ci dëppale ma may taxawe ay tegginam ca anam ga gën a mat. (moom mi nekk sama kaaràngéy mbir) mooy aji-sàmm samay bir yépp, bu sama diine yàqoo sama bir yépp yàqu, ma sooy daal di ñàkk, ndaxte yéwénug diine ja nu sàkku du mat ci lu dul yéwénug àdduna, mu wax ne: (yéwénalal ma sama àdduna) ci jox ma wér gi yaram ak jàmm, ak wërsëg, ak jabar ju baax, ak doom yu sell ak lépp lu ma aajowoo, te mu nekk lu dagan, lu may dimbali ci topp la, topp mu tudd ngànt li tax waral muy ñaan yéwénam; ci wax ne: (moom mi nga xam ne ci la samag dund nekk) ak sama barabu dund ak ci jamano jimay dund. (te nga yéwénal ma sama allaaxira ji nga xam ne mooy sama delluwaay) samag dellu jëm ci daje ak yaw te loolu moo ngi ci yéwénug jëf yi, ak tawfeexalug Yàlla ñeel jaamam bi cig jaamu ak ug sellal, ak rafetug mujj. Yonnente bi yal na ko Yàlla dolli xéewal ak mucc toftal ci allaaxira ginnaaw àdduna; ndax àdduna mooy jumtukaay biy tax allaaxira jag, ku jub ci àddunaam kem ni ko Yàlla bégge, allaaxiraam jub ñeel ko mu texe fa. (defal dund gi) ak gudd fan (ag dolliku ci wépp yiw) ma barile ci ay jëf yu baax, (defal dee gi) ak ug gaawam (ag nooflaay ci wépp ay) ak fitna ak nattu ci bàkkaar yi ak càggante, ak ug mucc ci coonay àdduna ak i jafe-jafeem, ak am ug nooflaay.

<https://sunnah.global/hadeeth/wo/show/5482>

